



KAEUHTHAENG RUAI NG-KHALOUMEI

**Khuam kaduaime
Watson Goodman**

Nsade — Juankhüing rümhme

“Kaeuthaeng ruai Ng-khaloumei”

Tumei hei Bible kabüm bai-bai khou ruai lapütna khuam kaduai loumei kariang hing kariu loumei Nthünmei Lütkaeng guai ye. Nthünmei Lütkaeng ru khou din nthün loumei thu Bible kahük the tuna ai ruai lum the.

Ragwangh Lütkaeng “kaeuthaeng ruai keihye” khütni nthünmei khüng ruai tuna ndaep bürnmei khütni tari bümmei bumaeng guai khüng thu kachüng chüngnga gaeng chüng-nge. Gankhüt ruai lunglaimei gün khou, paepä gün pütre, kalung thu khou gut lung diu khüng Poubaeumei Jisu Khrista ta kaeu we, kalung thu kaguaina Poubaeumei Jisu Khrista hei Guloumei pu the tuna Ka khou lumlou we, Poubaeumei ruai Kalun kahük tei nthünna lianlou puni the khütni lumloumei lung thu khou tei Ka tuang jaeng gaimeile nchunzaengmei tilou puni. Mi hei ai kum 1937 khou latou the, khütni Poubaeumei khou büm kariumei mi charinmei hei buk düt jüt mükhe. Nüing ruai kahunung tanlou mükgithei, NTAEU hei ka khou (Jisu) nüingta Guloumei pu the khütni Nüing Poubaeumei the tuna lalou diu khüng ai nüing ta huai ye.

—Watson Goodman

Rom 5:8

Kumme tiki aniu paep mei su büm rüp khou, Khrista ruai aniu khüng theihlou künmei khoutei Ragwangh ruai aniu khüng Ka rümh njian ndaeuh lou the.

Ndaeuhloumei 1:5

Khütni lumlou nuhmei sakhi, theihmei guai püng-khou ruai puan reihmei, khütni kandih tuang gwangh guai tuang kaipou sumei Jisu Khrista khou ruai jaeujian, khütni nchu-nzaengmei gwangh nah Ka zeï kahük ruai aniu ta aniu paep khou ruai khiu nthün lou the.

Johan 13:1

Ntaeu Kanpütpei Ng-ngai hu khou Jisu ruai mban khou ruai tütpüt lana, Pu khou tütpüt nipui ngkhuang gün guangthe tumei thailana, mban khou bümmei Kamei ruai njianmei Ka meinunta tei katuan ngünna njianne.

Johan 3:16

Kalümthu Ragwangh ruai mbannta heidi küm njianlou the, tumeithu, Kamei ruai Ka Nah Mpouh kalu akhüt nameita tilou the, mittei ruai thou punih Ka khou lummei ruai mman müknga ring suangmei latou khüng nge.

2 JISU KHRISTA HEI RAGWANGH KIUTHE

I Timothi 3:16

Kumna ra ningmei tuang nthei-
hloumei tei nthukge tumei agi
müknga kumlou we: Kata mei
pumh suna ndaeuh lou the, Kata
Bumaeng khou njihmei tisulou
the, Kata kaeuh barchra guai ruai
hou the, Kata jat guai püng khou
din ndaeuh lou the, Kata mban
khou lum the, Kata him ganhmei
khou la thaeu lou the.

Mathi 1:22, 23

Ntaeu miguai hei püt the tu-
meithu, Poubaeumei ruai muh-
jung pan khou ruai sakünmei lüt
tei guang tüng nthuih khüng nge;
sa künmei kiu: Jaeulo, liuchüng

gankhüt ruai kapumh nritna, ka
nah mpouh gankhüt puan puni;
kumna Kata Emmanuel tuna kae-
upuni. Emmanuel tumei kabah
thu, Aniu le büm nchümmei Rag-
wangh tuna pe.

Johan 14:9, 10a

Jisu ruai ka khou sa ye, Philip,
heisan tingsaeng nga ai nüng niu
le büm nchüm the, kumki nüng
ata thaimük hinacho? Ata hou
künmei kamei tei ruai Puta tei
hou the, akumma nüng ruai, Puta
kiu aniu khou nchin lou wo tuna
sa tuche? Ai a Pu khou bümme,
kumma a Pu a khou bümme tumei
nüng lum mük ngacho?

Isaiah 9:6

Kalumthu aniu khüing ng-ngana gankhüt puan lou the, aniu khüing nah mpouh gankhüt tilou the: sarka tei kaboutuang khou nai-puni: khütni Ka jün tei Charinmei, Jailoumeipu, tün-baeumei Ragwangh, tingsarnjjaeng Pu, Nchunzaengmei Gwangh Nah tuna kaeu puni.

Luk 1:35

Khoutei banchra tei ruai ka khou sa daeu we: Bumaeng Nthünmei nüng ru khou guanglou puni, Kumma Kaeuhliangmei ngüm tei ruai nüng ru khou gunglou puni; Kumpui jaeng ruai puan nime

nah tei Ragwangh Nah Mpouh Nthünhmei tuna kaeu puni.

I Johan 4:15

Thouh punih Jisu Khrista ta Ragwangh Nah Mpouh we tumei sa ndaeuh yithei, Ragwangh ruai ka khou khütni kamei ruai Ragwangh khou bümme.

Mathi 17:5

Kamei ruai lüt sa bümpei ding khou tei, kaniu ru khou gankah kamei muangh akhüt ruai gumliam khuanne; kumma muangh khou tei ruai lüt kuan akhüt ruai sa khuanne, Mi hei ai kung-nganjianmei a Nah Mpouh we, ka khou a lung kun ne, Ka lüt piu wo.

4 KAMEI THOUCHO TUMEI JISU RUAI ANIU KHOU DINLOUMEI

Johan 8:23

Kumma Kamei ruai kaniu khou saye, Nüingniu thu kabüing thaeng ruai ye, ai thu karu thaeng ruai ye; nüingniu thu mi mban khou ruai ye, ai thu mi mban khou ruai rümhme.

Johan 11:25

Jisu ruai ka khou sa ye, Ring thaeumei tei le ringhmei tei ai ye; a khou lummei kamei tei theih sini ring düit puni.

Johan 6:35

Jisu ruai kaniu khou sa ye, Ai hei ringhmei ntian kiu the. A khou guangpui mei tei ndaep nitu rümh khe, khütni a khou lumloupui mei

tei tabui nung sini tari düit nitu rümh the.

Johan 13:13

Nüingniu ruai ata, Nchümloumeipu khütni Poubaeumei tuna kaeu we; mi tei nüingniu nchummei satu we, kalümthu mikiu Ai ye.

Johan 9:5

Ai mban khou bümsan, ai mban tuang ganhmei kiu we.

Johan 8:58

Jisu ruai kaniu khou sadiang siak lou mei hei ye, Abrahamta puan mük khou Ai nai ye.

Mathi 14:19-21

Khoukiu Kamei ruai mei kung-daita tei phuaiario ru khou dung-keih khung lut dun lou the. Ntian dum panguh le khakui kanei tei lana, tingkaeuh thaeng jaeu thaeuna, Kamei ruai suaihiam lou the, kumma ntian dum guai tei subuknga jiabnun khou tilou the; kumma jiabnun ruai mei kungdai khou tei tilou the. Khoukiu mei kapumma tuuna ng-gu the; kumma kaniu ruai nsaekmei kakiak guai tei ng-giuh ruhna kanei padiknga la thaeu the. Tuu kunmei kaniu guaitei ntumei guai

le alaeo guai ta pah muknga, ngganmei ching panguh dou khouanne.

Mathi 20:30 khutni 34

Khutni, jaeulo, mik tiatmei gan nei chaeng daeng khou dung bum khouanne mei ruai Jisu tut ruan putmei tei chu khouanne, kumma kanei kiu ruai kaeu thaeu khouanne, Poubaeumei, David nah mpouh! Anei ta jaeu njian lou wo! . . . Jisu ruai kanei ru khou jaeu njian lou khouanne, kumma kanei mik kahilou khouanne; mi ding khou tei kanei hou ngum khouanne, kumma Ka thei lai khouanne the.

6 JISU KHRISTA HEI DÜMLOUMEI PU KHÜTNI POUBAEUMEI YE

Kolosi 1:16

Kalümthu tingkaeuh thaeng naimeï, khütni kandih khou naimeï, houmeï, houwükmeï, gwangh bümpaeng guai, rümhmithei ngüm naimeï guai, rümhmithei kaipou guai, rümhmithei bantün naimeï guai kapumma Ka khou ruai düm kluanthe: Rümh kapumma Ka pan ruai, khütni Ka khüng ruai düm kluan the.

Ibri 1:2

Ragwangh . . . mi tingmik guai ng-khümmeï khou aniu khou Ka Nah Mpouh pankhou ruai salou the. Kata Kameï ruai rümh kapumma tuang tümpi lapuimeï

tisu lou the, Kameï ruai mban dih heini kasiam lou kluan the.

Rom 14:9

Tabuicho tiki Khrista ruai theihmeï guai, khutni ring bümmeï guai kanei tuang Kaipou su khüng, mi lüm khüng ruai Kameï theih ni theih lou the, ring ni ring thaeu the.

Tanruai 2:36

Kumpui jaeng ruai Isriel meï kluang kapumma ruai kachüng kaling thai kündiu, tumeithu, nüngniu ruai kros khou hianbin künmeï Jisu tihei Ragwangh ruai Poubaeumeï ni Khrista ni tisulou the.

JISU KHRISTA HEI MEIGUAINA LÜTJÜNPOU THE

7

Johan 5:22

Tabuiche tiki Pu tei ruai gan khütnata sini lütjün su mük ge, kumme tiki lütjün kapumma Nah Mpouh khou tei tilou the.

Mathi 25:32

Khütnei jat kapumma ta Ka hu khou khuam kaduai puni. Mi tung laeujiu gaengmei ruai jiu khou ruai laeujiu tibai pütmei kumma Kamei ruai kaniuta kalüing kanei pütna njünh phük puni.

Rom 14:10

Kummithei, nüng tabui suna nüng chana puna ru khou lütjün su tucho? Khütnei, nüng, tabui suna nüng chana punata rümh

sük mük tucho? Kalümthu aniu kapumma Khrista tuang lütjün bümpaeng makhou ding puni.

Lütjün tingmik khoukiu Ragwangh ruai, ai ruai din ndae-uhmei Gospel thei laina, Jisu Khrista pankhou ruai, meiguai tuang ng-kümhmei tei lütjün su puni.

—Rom 2:16

II Timothi 4:1

Kumpui jaeng ruai Ragwangh ma khou, khütnei ringhmei guai le theihmei guaita lütjün su nime Khrista Jisu ma khou, Ka tuang jaeu houloumei, khütnei Ka tuang Gwangh dih pan ruai ai ruai nüng khou nthuk nga nsin lou we.

8 KHRISTA KHOUNA RUAI PAEP KHOU RUAI JAIPÜTLOUMEI

Johan 10:9

Chaengmun kiu ai ye: thou puni a khou gutrithei, kata gaek lou puni, kamei tütpüt tütgut puni, kumma kabin mphüing puni.

Johan 14:6

Jisu ruai ka khou sa ye, Ai chaeng tei ye, nchumhmei tei ye, khütni ringhmei tei ye; apan khou ruai rümhma, gankhütna sini a Pu püm tüng mük ge.

Johan 8:24

Kumpui jaeng khou ruai Nüingniu ruai nüingniu paep khou theih puni, tuna ai ruai nüingniu khou samei tei the; kalümthu Ai Kamei ye tumei nüingniu ruai lummük-

githei, nüingniu ruai nüingniu paep khou theih puni.

Ibri 7:25

Hei jaeng ruai Ka pan khou ruai Ragwangh khou guangmei guaita Kamei ruai nthuihna gulou khüing ni ngüm me, kalümthu Kamei ruai kaniu khüing alümma huailou khüing ring tünh tün bümme.

Tanruai 4:12

Baihmei gan khütna khou sini ringhbüm maek ge, kalümthu ka pan khou ruai aniuta gulou chüingh nimei tingpuk büng khou tiloumei zün baihmei mansei püing khou maek ge.

KHRISTA KHOUNA RUAI PAEP KHOU RUAI 9 JAIPÜTLOUMEI

I Korinth 1:30

Jisu Khrista aniu tuang tük khüing khütni aniuta ntunmei, sunthünloumei, khütni thuakloumei hei Ragwangh ruai ye.

Luk 19:10

Kalümthu Mei Nah Mpouh tei ruai mman künmei tatei phu khüing, khütni gulou khüing guang nge.

Kolosi 1:12-14

Ganhmei khou tei nthünmei guai tuang latou nimei düm la kariu khüing aniuta ngüm biuhmei tisuloumei Ragwangh ta nüngniu ruai thuankuna, lungkh kimsihmei ngünna Poubaeumei tuang ngüm

biuhmei suna tütmei su khüing- nge. Tabuicho tiki Kamei ruai aniuta zingmei ngüm khou ruai gaeklouna, Kamei ruai njianmei Ka Nah mpouh tuang gwangh dih khou aniuta jaikan püt lou the; Nah Mpouh khou hei aniu tuang thuakloumei, aniu tuang paep la- duakloumei tei nai ye.

Tita 2:14

Aniuta ng-khuai mbanmei kapumma khou ruai thuaklou khüing, kumma gaimeitanh khou lungning gutmei, kapahloumei guaita Ka tuang su khüing sunthünlou khüing, Kamei ruai aniu khüing kapum Kahükta tilou the.

10 KHRISTA ZEI RUAI JAI KARIULOUMEI

Iphisi 1:7

Ka jaeujian chingkiu pui thei laina aniu ruai Ka zeï pan khou ruai aniu tuang thuakloumei, khütni aniu tuang tuanliammei guai laduakloumei mphüing the.

I Johan 1:7

Kamei ruai ganhmei khou bümmei kumma, aniu ruai ganhmei khou tütrithei, aniu khüt khütta kadüm la nchümme, kumma Ka Nah Mpouh Jisu Khrista tuang zeï tei ruai paep kapumma khou ruai aniuta su-nthünlou we.

I Pitor 1:18, 19

Kalümthu nüngniu ta nüngniu tuang pu-pou guai khou ruai

kadai keihmei gaeng mükmei kheiliak khou ruai thuakloumei hei aman nuhpui puat, kachaek-kaphut ruai rümhme, tiki khünbüm maekmei, khütni hiaksuimeï laeuiju laeuna kumhmei Khrista tuang kamün kunghmei zeï ruai ye tumei nüngniu thai ye.

Ibri 9:14

Tingsaengjaeng Bumaeng pan kho ruai Ragwangh khou hiaksuimeï suna Ka pum Kahük kütloumei Khrista zeï tei ruai, ring bümmei Ragwangh ta kalum khüing, theihmei tanhguai khou ruai aniu tuang ng-khuai njih thaipui lungningta ajuh küm mbuna su-nthünlou punitha?

KHRISTA KHOU LUMLOUMEINA RUAI RINGHBÜM LATOUMEI

11

Iphisi 2:8, 9

Kalümthu jaeujian ruai nüngniu ta lum nsihsingmei pankhou ruai gulou the; kumma mitei nüngniu khou ruai rümhme, Ragwangh tuang kaipüt re. Tanh jaeng ruai rümhme, thou kumhmei ruai gaengh su purümme.

Rom 5:1

Kumpui jaeng ruai lum nsihsingmeiruai ti-njih louthina, aniu tuang Poubaeumei Jisu Khrista pankhou ruai aniu khou Ragwangh le nchunzaengmei nai the.

Galati 5:6

Kalümthu Jisu Khrista khou gih ruammei ruai punih, gih ruam

mükmei ruai punih gaengmei mphüng mük ge; kumme tiki njianmei pan ruai tanh tan bümmei lum nsihsingmei ruai ye.

I Johan 5:4

Thou puni Ragwangh khou ruai puanpuimei kathui mban ta ngümme: Kumma mban ta ngümmei rüm ngüm kiu aniu tuang lum nsihsingmei hei ye.

Johan 20:31

Kumme tiki Jisu thu Khrista ye, Ragwangh Nah Mpouh we tumei nüngniu ruai lum khüng, kumma lumma nüngniu ruai Kazün khou ringhmei latou khüng, mi guai hei hihlou tuthe.

Lu 103:11

Kalümthu kandih ru khou tingpuk ruai heidi kaeuhmei kumma, Ka ta pingmei mansei kathui khou daihmei Ka rümjian nai ye.

Lu 103:17

Ka ta pingmei mansei kathui khou Poubaeumei tuang jaeujian thu tingsaengjaeng khou ruai tingsaengjaeng khüing nai ye khütni, Ka tuang ntunmei tei katou-katük guai ru khou nai ye.

Mika 7:18

Ng-khuameita kuakloumei, khütni kapu-kapouh kin khou ruai keihmei ng-khuai guai kuakloumei Ragwangh kiu thoucho? Kamei thu Ka lung puam tei ting-

saengjaeng khüing lou mük ge, kalümthu Ka jaeujian khou Kamei jaeng gai ya.

Chunsimei 3:22, 23

Poubaeumei jaeujian pankhou ruai aniuta su luai lou mük khe, kalümthu Ka rümjian tei paeukeih mük ge. Ka rümjian tei laeuthuan kathui kathünne, Ka rümjian tei dai ye.

Aniu ruai aniu rana tuang ntunpui tanh tan kümmei jaeng khou ruai rümhma, kumme tiki Ka tuang njianloumei thei laina, puanlou dütmei tuang lou loumei, khütni Bumaeng Nthünmei ruai ti-kathün loumei pan ruai aniu ta gulou the.

—Tita 3:5

KA KHOU GUANG DIU KHÜNG RAGWANGH 13 RUAI ANIUTA KAEUWE

Mathi 11:28

Tanh rianrana tanmei le puat nritna phungmei kapumma a khou quang-ngo, kumma ai ruai nüngniu ta jaeng ti-nthaek lou puni.

Isaiah 55:1

He, tarimei guai tei duipuak khou tei quangmei sudiwo, sian maekmei kathui ruai quang lana liu tho khütni tutho, ng-guai, quang tho, kamün timük nga zou le guainoudui tei liu tho.

Johan 7:37

Ntaeu ng-khümpui tingmik khou, tumeithu, Ng-ngaidainung Jisu ruai ding thaeulana, Kaeona

sa ye, Thou punih tari yithei, a khou quang-nga jüng kündiu.

Ndaeuhloumei 22:17

Bumaeng tei le noupei tei ruai sa ye, Guangtho! Kumma chumei kamei tei ruai, Guangtho! sa kündiu. Khütni tarimei kamei tei ruai quang kündiu. Thou punih kahaeumei tei ruai ringhpui dui tei jüng kündiu.

Isaiah 1:18

Poubaeumei ruai sa ye, ntaeuhei quangtho, kaphian kariu dikho: Nüing paep tei ze kumma haeng khuan sini gunh kumma khiu mphuan lou puni.

14 MANSEI KAGUAINA HEI RAGWANGH NAHNUN RÜMHME

Johan 1:12

Kumme tiki Kata laloumei guai,
Ka jün khou lummei guai khou
Ragwangh nahnun su nuh khüing
Kamei ruai ngüm tilou the.

I Johan 3:10

Mi khou hei Ragwangh nahnun
ta, khütni diabol nahnun ta
ndaeuhwe: thou punih ntunmei
tanmükpui mei tei, khütni ka
chana ta njianmükpui mei tei
Ragwangh khou ruai rümhme.

II Korinth 6:17, 18

Heijaeng ruai, kaniu püing khou
ruai tütpüt tho, kumma bai püt
tho sa ye, Poubaeumei ruai; Tabui
punih nthünmükmei ta kahi

riuwo, Kumma nüngniu ta ai lalou
puni, kumma nüngniu Pu ai su
puni, Kumma nüngniu a nah
mpouhnun, khütni aluhnun su
puni, sa ye, Ngüm Pari Rime
Kaipou ruai.

Rom 8:14, 15

Kalümthu Ragwangh Bumaeng
ruai jailoupui mei guai tei
Ragwangh nah mpöuh nun ne.
Kalümthu nüngniu ping düt
khüing büngh supui bumaeng
latou tu rümhme; kumme tiki la
thaeuloumei nah mpouh sumei
tuang Bumaeng nüngniu latou
the; kumthina, aniu ruai, Abba, a
pu! tuna kaeona huaineih ye.

ZOU JÜNGMEI LÜM KHOU RAGWANGH RUAI 15 TABUI SACHO

Galati 5:19-21

Ntaeu mban pum tuang tanh guai ndaeuh we, mi guai kiu hei ye: Nousouh gan sutmei, nthah-boulah na lungmanmei, nthün mükmei, nthahmei, ra maeng kalummei, duaih-raengh sumei, karaengmei, lung nchüm mükmei, akhiam adiangmei, lunghpum daihmei, abai-adüpmei, lütpüt rih pütmei, kariak khou tüt mükmei, houtimei, meibiu-meidoumei, zou mbamei, zou luhmei, kumma heikummei nchümmei guai: Ai kahunung nüngniu khou salou künmei kumma, ai ntaeu ni

nüngniu khou mi lüm hei satuwe, tumeithu hei kummei tanh tanmei guai tei ruai Ragwangh tuang Gwangh dih latou nitu rümhme.

Rom 13:13, 14

Kalan khou tütmei kumma aniu tuang kheiliak gaimei sukho, kakhi kari sumei, khütni zou mbamei, nthahmei, khütni kheiliak simei, agai-agimei, khütni houtimei surikho. Kumme tiki pheiban piumei kumma, Poubaeumei Jisu Khrista ta piu wo, kumma mei pum tuang kahaeumei guang tüng khüing ruai mban pum khüing raeng riu.

KACHÜNG THAIMEI NARUAI BIUMEI RÜMHME

Mark 10:17-22

... Mei gaimei Nchümloumeipu, ringsuangmei latou khüing ai ruai tabui sunina cho? Tabui suna nüng ruai ata mei gaimei kaeu tucho? tuna Jisu ruai ka khou thün kخانه. Akhütnamei Ragwangh rümhma gaimei khüt-na sini maek ge. Lütdün guai tumeithu: Meidou luairiu, nousouh-gansut riu, kaihoh riu, saraemma sakhi tiriü, guat riu, nüngpui-nüngpu ta chümpouh wo, tumei lütdün guai hei nüng thai ye. Kumma kamei ruai Ka khou sa ye, Nchümloumeipu, mi guai hei ai alao khou ruai ngaek

guang the. Khou tei Jisu ruai ka ru khou jaeulana, njian the, kumma ka khou sa ye, Kalüm akhüt nüng ntüingh mük he; tüt tho, nüng tuang naimei kapumma juanlana lungsimei guai khüing ti wo, kumma nüng lün tingkaeuh thaeng nai puni, kumma guangngo, a thei lai wo. Kumme tiki mi lüt khoutei kajao kümkeih kün the, kumma kamei tei lung h rianrana tütput kün the; kalümthu kamei lunggaisih kخانه.

Mansei mikjuat khou njihmei chaeng akhüt nai ye kumme tiki katuan tei theihmei khou jailoumei chaeng nge. —Lütchüp 16:25

Iphisi 5:6

Mei, gan khütna ruai sini nüngniu ta rümh khüt sini rümhmei lüt ruai guat mük kündiu; kalümthu mi lüm khou ruai lüt li-ammei nahnun ru khou Ragwangh tuang lungpuamdai tei guang nge.

I Korinth 6:9, 10

Ntun mükpui mei guai tei Ragwangh tuang Gwangh dih latou mük puni tumei nüngniu thai müknga cho? Guatpui mei suriu; nthah boulahna lungmanmei, ra maeng kalummei, nousougansutmei, nthahmei tanh tanmei, ng-nganmei nchüm jükpui tanh tanmei, kaihoumei, agaem-

mei, zou mbamei, lütsa sime, guat tuumei mi guai gan khütna sini Ragwangh Gwangh dih latou nitu rümh khe.

Jakob 1:22

Lüt tei tanpui mei nüngniu su wo, kumma nüngniu ruai nüng pum nüng pumta guatna, chupui meina suriu.

Njianmei alaeo thiu, mei gan khütna ruai sini nüngniu ta chaeng jai mbiang mük kündiu. Ntunmei tanpui mei tei, Kamei ntunmei sumei kumma, ntunmei su we. Paep supui mei tei diabol tuang nge; kalümthu diabol tei thaeurei khcu ruai paep tan guang nge. —I Johan 3:7, 8a

18 PAEP RUAI THEIHMEI PHUNG GUANG NGE

Heijaeng khou ruai, mei gan khüt jaeng ruai paep, khütni paep jaeng khou ruai theihmei mban khou gut the, kumma mitei kumma mei kapumma khou theihmei kadai keih the, kalümthu mei kapumma paep tan the. —Rom 5:12

Mi tüng kahaeumei ruai ng-guamlana, paep puan ne; kumma paep tei kangün tüng pu khou, theihmei puan ne. —Jakob 1:15

Paep tanmei bumaeng tei thu theih puni. Ka nah tei kapu tuang paep tei phungnitü rümhme khüt-ni kapu ruaina ni ka nah tuang paep tei phungnitü rümhme: nthünmei tuang nthünmei tei ka ru khou nai puni, khütni lung

simeit tuang simeit tei ni simeit ru khou nai puni. —Ezekiel 18:20

Kalümthu meipum tuang ningmei tei theihmei ye: Kumme tiki Bumaeng tuang ningmei tei ringhmei khütni nchu-nzaengmei ye. —Rom 8:6

Lütchüp 11:19

Nthünmei ruai ringhmei pünti latoumei kumma: heitei kumma simeit tanmei ruai karana ka theih büm khou alai louthe.

Luk 15:32

Nüing kaina hei theih künmei khou ruai ring dütmei, khütni mman künmei khou ruai mphüng düt-pui jaeng khou ruai, aniu neihla jaenggai rüp nina dithe.

Johan 11:43, 44

Kumma Kamei ruai mi lüt hei sana khuan rünna kaeona sa khuan the, Lazar, püttho! Khou-tei theih künmei pu tei pütthe; ka phai ka ban khou tarou pheï ruai kabiatlou khuanne, khütni ka jaeo khou pheiki ruai nsui lou khuanne. Jisu ruai kaniu khou sa ye, Ka ta ripüt louna titüttho.

Johan 10:17, 18

Hei jaeng khüing ruai a Pu ruai a ta njianne, kalümthu ai ruai aduu lalou düt khüing ai ruai aduu mpütlou we. A khou ruai gan khütna ruai sini aduu suman mükge, kumme tiki arana ruai mpütlou we. Ai ruai mi tei mpüt

lou khüing atik nai ye, khütni mi tei ladüt khüing ni atik nai ye. Mi lütdün hei ai ruai a Pu khou ruai latou the.

Kumma Kamei guang-nga, takiu tei kahi tikhou, puanbümmei nuntei ding the. Khoutei Kamei ruai sa ye, Ng-ganpo, ai ruai nüng khou sa ye, Thaeutho. Khoutei theihmei nahteï thaeo dung the. —Luk 7:14, 15a

Ring-nga bümmei Kamei kiu Ai ye, kumma theih khuan the; kumma jaeolo, ai tingsaengjaeng khütni tingsaengjaeng ring bümme; kumma theihmei tuang, khütni taruairüm tuang khümtan tei a khou nai ye. —Ndaeuhloumei 1:18

Deuteronomy 5:7-21

Ai hei rümhma A ma khou baihmei raguai nüngniu tinai lüknina de. Nüngniu asuang ra suamlouna rümhmithei tingpuk khou naimeï rümhlun luimeï, puat, rümhmithei kandih nüm ru khou naimeï puat, rümhmithei duibüng khou naimeï puat; heiguita nüngniu ra khüng kasiamlouna nüngniu heiguai ta kiu ngkhum keihna kalum büm khüng tinai lükninare; khütnei kaniu siamruai sulük ninare. Tumei kiuthu nüngniu Ragwangh Jehovah Ai hei nüngniu pupouh khütnei kaniu tou-nah nun, meikin

kanei-kathum thaeng ruai A ta karaeng nga büm guangpui mei paep guai ta jaeolouna mama bümmei Ragwangh nge. Tiki thu A ta njianmei khütnei A lütdün guai piupui mei ching-ching guai khüng khüng thu njian thaimeï jaeojian tiloumei Ragwangh nge. Nsa rümhji mük khou nüngniu Ragwangh Jehovah zün sanriu. Tumei kiuthu kaji mük khou Ka zün sanpui mei paep Jehovah ruai kuaklou mük puni. Nüng Ragwangh Jehovah ruai dñnloumei lüt thei laina nthæk nei Sabbath ta nthünna suna nunei ninare. Jaeng charuk tanh guai tan no; . . . Nüng Ragwangh Jehovah ruai dñnlou-

pui thei laina nüng pui nüng pu ta kung-nga suwo, . . . nüng meibiu-meidou lükninare. Nüng meinou soulük ninare. Nüng kaihou-laeogut lük ninare. Nüng kai kaining laeogeimei nou-nah ta nreina ma-

ma lük ninare, nüngkai kaining laeogeimei kaita, laeopuk ta khüt-ni kati-kabü ngh guai ta, kaki karuai guai khüt-ni nüngkai kaining laeogeimei tuang puat ru khou mama lük ninare.

RAGWANGH KHOU RUAI NÜNG NGKÜM 21 NGÜM MUKGE

Lu 139:8

Ai ruai tingkaeuh thaeng ku sini, nüng khou tei bümme; taruai rümh khou ai ruai aji suni, jaeolo, nüng khou teini bümme . . .

Job 34:21, 22

Mansei chaeng guai ru khou Ka (Ragwangh) mik tei lou bümme, khüt-ni mansei ruai tan bümmei tanh guai tei Ka mei ruai hou

ngümme. Paep tanmei guai ruai kaniu paep tei ngküm lou khüng jingmei ni maekge khüt-ni theihmei limni maekge.

Luk 8:17

Kalümthu ndaeuh lüknimei ngküm loumei khüt sini maek ge, khüt-ni thai lüknimei, khüt-ni ndaeuh lüknimei ngkümloumei khüt sini maek ge.

RAH NINGMÜKMEI GUAI KHÜNG TINGSAENGJAENG DÜNDI

Lungh simeï khütñi Ragwangh
ta amumeï jat guai tei mai kuam
khou keih puni. —Lu 9:17

Mathi 13:41, 42

Mei Nah Mpouh tei ruai Ka
tuang tingkaeuh banchra guai ta
ndiu louna, phai tisuimeï kapum-
ma ta, khütñi ng-khuaimeï tanmeï
kapumma ta Ka Gwangh dih
khou ruai khuam kaduaina, kaniu
ta maikuam khou gūnlou puni; mi
būm khou tei kūpmeï le nei ngkai
kariak riakmeï su puni.

Nūng ban ruai rūmhmithei,
nūng tūn ruai nūng ta phai tisui
louyithei, mi tei dūn tūpbo! Nūng
ban kanei nūng tūn kanei naina

tingsaeng jaeng mai khou phai-
loumeï khūng suang thu ban ak-
hüt rūmhmithei tūn akhüt maek-
nga ringhmeï khou gutmeï nūng
khūng gaimeï ye. —Mathi 18:8

II Pitor 3:7

Kumme tiki lütjūn tuang, khüt-
ni ra ning mükmeï guai ta suman-
meï tuang tingmik khūng louna,
lüt kahük tei ruai ntaeu naibūm-
meï tingkaeuh khütñi kandih ta
mai khūng daeklou the.

Heiguai tihei (ntun mükmeï)
tingsaengjaeng dūndi khou
thoulou puni; ntunmeï guai ruai
tingsaengjaeng ringhmeï khou tūt
puni. —Mathi 25:46

Kalümthu Kamei ruai kakhün pütloumei mei gan khüt pan khou ruai mban kapum ta ntunmei khou lütjün suni mei Tingmik akhüt rianlou the, Kamei ruai mi Mei ta kiu theihmei khou ruai tiring thaeolouna, mi tuang singhsingmei tei mei kathui khou tilou the. —Tanruai 17:31

II Pitor 2:9

Rah ningmei guai ta nchünmei khou ruai gulou khüng khütni ntun mükmei guai ta Lütjün Tingmik ngünna raina lou khüng Poubaeumei thai ye.

I Johan 4:17

Khouhei njian mei tei aniu lung khou ti-nthuילו we, mitei ruai

aniu ruai Lütjün Tingmik khou baeu khüng nge, kalümthu Kamei mban khouhei bümmei kum rümma aniu ni büm muai ye.

Kumma mansei guai khou tiloumei kumma theihluan guai puni, kumma mi tung tei lütjün dithe. —Ibri 9:27

Kalümthu mei kathui ruai ka pum ka pum ruai tanlou künmei thei laina, simei punih gaime punih, latou khüng, aniu kapumma ta Khrista tuang lütjün büm-paeng ma khou ndaeuh chüng puni. —II Korinth 5:10

Kum thina aniu mei kathui ruai Ragwangh khou ka pum ka pum tuang chük ti puni. —Rom 14:12

Rom 9:16

Kumma mihei la nina ning bümmei ka tuang nih rümhme, tan bümmei ka tuang nih rümhme, kumme tiki njianloumei Ragwangh tuang nge.

I Pitor 5:5b

... Ragwangh ruai daihpui riu sumei guai ta nuh mük ge, tiki lungning liu keihmei guai khou jaeujian tilou we.

Rom 5:15

Kumme tiki jaeujian tuang tanh tei tuanliampui tanh khou nchüm mük ge, kalümthu mei gan khüt tei ruai tuanliampui jaeng khou ruai mei mpeina tei theihyithe, Ragwangh tuang jaeujian khütni

Mei gan khüt tuang, tumeithu Jisu Khrista tuang jaeujian tuang nsa tiloumei kaipüttei mei mpeina khüng tei tiloumei mbu-alaina geih the.

II Korinth 8:9

Kalümthu nüngmiu ruai Poubaeumei Jisu tuang jaeujian tei thai ye: Tumeithu, Kamei lunggai khuan sini, nüngniu jaeng khüng ruai Kamei lungsime, su kخانه, hei tei ruai nüngniu Ka rüm lungsi pan ruai lunggaime, su khüng nge.

II Korinth 9:15

Ragwangh tuang sa ngüm mükmei kaipüt khüng ruai ka ta thuankumei su diuwo.

Tanruai 17:30

Heijaeng ruai rümh thaimükpui
gün guai tei Ragwangh ruai
jaeumin lou mük khe, kumme tiki
ntaeuthu Kamei ruai kabüm
kathui khou mansei katana khou
lungh lai khüng lüt-dün dünne.

Tanruai 3:19, 20a

Kumpui jaeng ruai nüngniu
paep guai thut amanlou diu
khüng nüngniu lungh laina
ngalün quang tho, Kum pu khou
Poubaeumei khou ruai chaengh
ringhmei gün guai quang puni.

II Korinth 7:10

Kalümthu Ragwangh ruai ning-
lou pui thei laina lungning rian-
ramei tei ruai lungh laimei, khüt-

ni mi tei ruai ringhbüm tipüt re,
kumma, ning ngüm mükmei tinai
mükge, kumme tiki mbam tuang
lungning rianramei tei ruai theih-
mei tipüt re.

Tanruai 2:38

Khoutei Pitor ruai kaniu khou
sa ye, Lungh laitho, kumma
nüngniu paep laduak khüng
nüngniu kathuina Jisu Khrista
jün khou duilup tho, kummithei
nüngniu ruai Bumaeng Nthünmei
kaipüt latou puni.

Luk 13:3

Ai ruai nüngniu khou samei
heiye, Rümhme, tiki nüngniu lung
laimük githei, heitei kumma
nüngniu kapumma aman puni.

Ezekiel 18:21

Kalümthu kalung simeï mansei ruai ka paep guai khou ruai ngalün guang dütrithei, khütñi a lütün guai hei piuyithei, khütñi lütün khou ntunmei khütñi nchumhmei tannithei, kamei suaimük nga ring puni, khütñi kamei theihñitu rümhme.

Isaiah 55:7

Ka lunggh simeï mansei ruai ka tuang simeï chaeng tei mpütmei sudiu wo, khütñi ntun mükmei ruai ka lungning tei mpütmei sudiu wo, khütñi Poubaeumei khou kamei ngalün guangmei sudiu wo, khütñi Kamei ruai ka ru

khou jaeojian tilou puni, khütñi aniu Ragwangh khou, kalümthu Kamei ruai sabi saba müknga kuaklou puni.

Mathi 6:14

Kalümthu nüngñiu ruai meinun tuang tuanliammei guai kuaklou yithei, tingkaeuh thaeng bümmei nüngñiu Pu ruai ni nüngñiu ta kuaklou puni.

Ndaeuhloumei 3:20

Jaeolo, ai chaengmun khou ding-nga kaikhüm nchou bümme; thou kummei ruai a khuan chulana, kaikhüm tei lanlou yithei, ai ka khou gutna kamei le khütñi kamei ruai ai le tu-nchüm puni.

Kaeuh thaeng naimeï puat guai khou nüngniu lunggh lou wo, kandih. khou naimeï puat guai khou lou riu. —Kolosi 3:2

Iphisi 5:11

Kumma jingmeï tuang kathai nthai mükpui tanh guai tei le kadüm la nchüm riu, tiki mi phan tei kaniu tuang khuai ndaeuh wo.

Tita 2:11, 12

Kalümthu Ragwangh tuang jaeujian, mei kapumma khou ringhbüm phung guangmeï tei, tihoulou the; aniu ruai ra ta thaimükmeï ta, khütni mban tuang sumei kahaeumeï ta nuh müknga, lungning sinriapma, ntunmeï suna khütni ra ning-nga ntaeu

tuang mban khou hei lunggh khüing jaeojian hei ruai aniu ta dinlou we.

Khiuna nüng su-nthün tho; a mik khou ruai nüng tanh simeï guai tei lagün kün tho; simeï tanh tan nthæk tho. —Isaiah 1:16

I Johan 2:15, 16

Mban ta khütni mban lung khou naimeï puat guai ta njian riu. Thou kummeï ruai mban ta njian nithei, Pu ta njianmeï tei ka khou maek ge; kalümthu mban khou nai bümmeï kapumma, mei pum ruai kahaeumeï, mik ruai kahaeumeï, khütni pünti tuang gaengh sumei, Pu khou ruai rümhme, tiki mban khou ruai ye.

Ezekiel 36:26

Lungthu kathün a khüt ni ai ruai nüng khou tilou puni, bu-maeng kathün a khüt ni nüng lung khou tilou puni: khütni nüng züntei khou ruai ntaeo tuang lungthu tei lagün puni, kumme tiki züntei tuang lungthu a khüt nüng khou tilou puni.

I Johan 2:29

Kamei ntunmei ye tumei nüngniu thai yithei, ntunmei tanpui mei kathuita Kamei ruai puanlou tuthe tumei nüngniu thai ye.

II Korinth 5:7

Kumpui jaeng khou ruai thou kummei gankhüt ruai Khrista khou bümmithei, kamei tei düm

kathünmei the; karan guai kan kün the; jaeolo, rümh kapumma kathün guanh ngüm the.

Johan 3:3

Jisu ruai ka khou sa daeu we, Ai ruai nüng khou sadiang siakloumei hei ye: Puan thün mükgithei, gankhütna sini Ragwangh tuang Gwanghdih tei hou ngüm mük ge.

I Pitor 1:23

Kalümthu mman nuhmei thu khou ruai rümhma, mman nuh mükmei khou ruai, mikiu ring bümmei khütni tingsaengjaeng nai bümmei Ragwangh lüt pan khou ruai nüngniu ta puan thünlou the.

PAEP KHOU THEIHLLOUMEI-KHRISTA KHOU 29

RINGTHAEU DÜTMEI

Iphisi 2:1 khütni 6

Kumma nüngniu tuang tuan-
liammei, khütni paep jaeng khou
ruai theih büm khuanmei gün
khou, Kamei ruai nüngniu ta ti-
ring lou the... Khütni Kamei le
ti-ring thaeu nchüm louna,
Khrista Jisu khou tingkaeuh
tuang büm khou aniuta Kamei le
tidung nchüm lou the.

Kolosi 3:1

Kumthina nüngniu Khrista le
ring thaeu mchüm mithei, kaeuh
thaeng naimei puat guai tei phu
wo, khoutei Khrista ruai Rag-
wangh tuang banjüt khou dung
bümme.

I Pitor 2:24

Aniu ruai paep biak thaeng
theihna ntunmei biak thaeng
ringh khüng, Kamei Kahük ruai
thing ru khou Ka pum khou aniu
paep phung lou the; Ka tuang
züm suhmei ruai nüngniu ta tigai
lou the.

Rom 6:2 khütni 11

Paep lüm khou theihmei aniu
ruai akumma ntaeu nih mi lung
khou tei lung büm ninacho?...
Mitei kumma nüngniu nih nünniu
rana paep lüm khou theih chüngh
the, kumme tiki Khrista Jisu
khou kariuna Ragwangh khou
ring nge tumei chükgo.

Johan 3:14, 15

Kumma Mousi ruai tajik rüm khou nrui ta jaithaeumei kumma, Mei Nah Mpouh ta nih jaithaeu chüing puni: Mitei thou punih Ka khou lumloumei ruai ring suangmei latou khüing nge.

Johan 17:3

Kachüingmei Ragwangh akhüt namei nüngta, khütni nüng ruai ndiu keihmei Jisu Khrista ta kaniu ruai thailoumei, mi hei ring suangmei kiu the.

Johan 3:36

Nah Mpouh ta tei lummei kamei tei ring suangmei latou the: Kumme tiki Nap Mpouh lüt piu

mükmei kamei tei ringhmei hou mük puni, tiki Ragwangh tuang lunghpuam ka ru khou keih lou we.

Rom 6:23

Kalümthu paep ruai timei tanh phi tei theimei ye, tiki Ragwangh tuang jaeojian kaipüt thu aniu tuang Poubaeumei Khrista Jisu khou ring suangmei ye.

Johan 5:24

Ai ruai nüngniu khou sadiang siak loumei hei ye, A lüt chulana, a ta ndiu guangmei Ka ta lummei kamei tei ruai ring suangmei latou the, kumma lütjün khou gut mük khe, tiki theihmei khou ruai ringhmei khou kan püt the.

Ntunmei tuang tanh thu nchu-
nzaengmei ye; khütni ntunmei
khou ruai quangmei thu nchu-
nrimei le tingsaengjaeng khüing
singh-singmei ye. —Isaiah 32:17

Kumma nüingniu hei nah
mpouhnun supui jaeng khou ruai
Ragwangh ruai Ka Nah Mpouh
tuang Bumaeng ta nüingniu lung
khou ndiu lou the; Bumaeng tei
ruai, Abba, a Pu, tuna kaeona
huai ye. —Galati 4:6

A lütün guai lalouna, piemei
kamei tei a ta njian ne: Kumma a
ta njianmei ka ta tei a Pu ruai
njian puni, kumma ai ka ta njian
puni, khütni a pum kahük ka khou
ndaeuh lou puni. —Johan 14:21

Aniu hei Ragwangh nahnun ne
tumei Bumaeng kahük ruai aniu
bumaeng le sakhi ti ye. —Rom 8:16

Njianmei alaeothiu aniu ruai lüt
ruai khütni balei ruai njian rikho,
tiki tanh ruai khütni kachüingmei
ruai njian kho. Mi hei ruai aniu
kachüingmei khou ruai ye tumei
aniu thai ye, kumma aniotuang
lungningruai aniuta ti-ngkhuai
sini, aniu ruai aniu tuang lung-
ning ta Ka ma khou tikum lou
puni. . . . Mihei ruai aniu ruai Ka
khou khütni Kamei ruai aniu khou
büm tünh tünne tumei aniu thai
ye, kalümthu Kamei ruai aniu
khou Ka Bumaeng tuang düm
tilou the. —I Johan 3:18, 19; 4:13

GUT LUNG LOUMEI KHRISTA RUAI JAENG-GAIMEI TIYE

Kalümthu Ragwangh Gwangh dih teithu zün khütñi zouh rümhme; kumme tiki Bumaeng Nthünmei khou ruai guangmei ntunmei, nchu-nzaengmei, khütñi jaeng-gaimei ye. —Rom 14:17

A ta Khrista le kros khou hian bin the: Kum khuan sini ai ring nge; ntaeo ni ai ruai rümhme, tiki Khrista ruai alung khou ring lou we; kumma ntaeo ai a pum khou ring bümmei pünti hei a ta njianlou khuanmei, khütñi Ka pum kahük a khüng tilou khuanmei, Ragwangh Nah Mpouh ta lum nsih-singmei pan ruai ai ring nge. —Galati 2:20

Isaiah 12:3

Heikumpui jaeng khou ruai ringh büm tuang duikhun khou tei ruai neihlamei le kajaeu na nüng ruai dui ju puni.

Johan 15:11

A tuang neihlamei nüngniu khou nai büm khüng, kumma nüngniu tuang neihlamei ti-padik khüng, lüt lüm guai hei ai ruai nüngniu khou sa tu the.

Nüng ruai pünti chaeng tei a khou lianlou puni: Nüng ma khou jaenggaimei ruai padik ge; nüng banjüt biakthaeng tingsaeng-jaeng khüng tingsaengjaeng neihlamei padik nai ye. —Lu 16:11

POUBAEUMEI LÜT PIUMEI HEI KAGE NAIMEI YE

33

I Samuel 12:15

Kumme tiki nüng ruai Poubaeumei khuan ta piu mük githei, tiki Poubaeumei lütdün guai ta athung ngithei, kummithei nüng pu-nünpou guai ru khou keih lou künmei kumma, Poubaeumei ban tei nüng ru khou keih puni.

II Thessalonika 1:7-8

Kumma rianramei akhaeng bümmei nüngniu khou aniu khou le nchümma jaeng nthækmei tilou puni; mikiu Poubaeumei Jisu ta tingkaeuh thaeng ruai Ka tuang ngüm daihmei kaeuh ban-

chra guai le maibuang khou ndaeuh lou pu khou, Ragwangh ta thai mükmei guai ru khou le Poubaeumei Jisu Khrista tuang Gospel (Gaimei Chümh) lüt piu mükmei guai ru khou khum lana Kamei ruai mi hei tilou puni.

Deuteronomy 11:26-28a

Jaeolo nsei hei suaihiam le siang nüng hu khou lou we, Nüng Ragwangh Poubaeumei tuang lütdün guai, nsei nüng khou dün loumei hei piumei khüng suaihiam: Khütnei nüng Ragwangh Poubaeumei lütdün guai piu mükmei khüng siang.

34 **KHRISTA TA NDAEUEHMEI HEI KAGE
 NAIMEIYE**

Philipi 2:11

Khütnei Pu Ragwangh tuang
him ganhmei khou balei kathui
ruai, Jisu Khrista hei Poubaeumei
ye tuna sa ndaeuh khüing the.

I Johan 2:23

Thou punih Nah Mpouh ta tei
nuh mükpui mei tei Pu ta
(Ragwangh) nih mphüing mük ge;
Nah Mpouh ta sa ndaeuh pui mei
tei Pu ta nih mphüing nge.

Rom 10:9, 10

Tumeithu, nüing ruai nüing-
muang ruai Jisu ta Poubaeumei
ye tuna sa ndaeuh yithei, khütnei
theihmei guai püing khou ruai Ka

ta Ragwangh ruai ti-ring thaeulou
khuang the tumei nüing lung khou
lumlou yithei, nüing ta gulou puni.
Kalümthu lungh khou mei ruai
lumme, kumma mihei ruai ntun-
mei khou jaiou we, muang khou
ruai kamei ruai sa ndaeuh we,
kumma mihei ruai ringh büm
khou jailouwe.

Luk 9:26

Kalümthu a lüm khou, khütnei a
lüt guai lüm khou jükmei thouta
punih Mei Nah Mpouh tei ruai
Ka tuang, Ka Pu tuang, khütnei
nthünmei banchra guai tuang him
ganhmei khou keih pu khou, jük
puni.

I Pitor 5:8

Sip sipbo, ntük nrükgo, tabuicho tiki nüngniu tuang hou-mumei diabol ruai rah bümmei kamüngliangpui (lion) kumma, thou kummeita tuu khüng phuna ruan tüt bümme.

Mathi 4:1 khütni 10, 11

Mi tüng Jisu ta diabol ruai nthiam khüng Ragwangh Buma-engh ruai tajikrüm lung khou nduang kulou khuan the... Khoutei Jisu ruai ka khou (diabol khou) sa ye: Tüt künno, Seitan! Kalümthu mi hei hihlouna nai ye, Nüng Poubaeumei Ragwangh ta nüng kalum ninare; kumma Ka ta nüh siamruai suni-

nare. Mi tüng diabol tei ruai Jisu ta mpüt lou khuan the; kumma jaeolo, tingkaeuh banchranun ruai guang-nga Ka ta siamruai sulou the.

II Thessalonika 2:9

Lütjün lütdün kalimmei Gan Khüt tei Seitan tuang ngüm kapumma kajaeuna guang puni, kumma su-nchinpui tuang guai le saramma tihahlala pui tuang guai tan puni.

Iphisi 6:11

Nüngniu ruai Diabol tuang rouh simeï hu khou ding ada ngüm khüng Ragwangh tuang rih puan kapumtei piu wo.

II Thessalonika 2:8

Mi tüng lütjün lütün kalimmei Gan Khüt ndaeuh puni, kumma Poubaeumei Jisu ruai Ka muang khou ruai Ka thiu ruai ka ta suluai puni, kumma Kamei guang pu khou Ka tuang him ganhmei jaeo houmei ruai ka ta su-aman puni.

Jakob 4:7, 8a

Kumpui jaeng khou ruai Ragwangh khou küt gutro; kumma diabol le ndiang-nga ding tünno; kumma kamei nüngniu khou ruai pük tüt puni. Ragwangh khou ana guang ngo, kumma Kamei ruai ai nüngniu khou ana guang puni.

Ibri 2:14

Kumpui jaeng khou ruai alaeo guai tei ruai züntei zeidüm lamei supui jaeng ruai, Kamei Kahük ruai nih kaniu le nchümme mi düm kahük tei la the; mi tei ruai Kamei ruai theihmei pan ruai theihmei ngüm naimei ka ta, tumeithu diabol ta, rümb khüt sini maekmei tisu khüng nge.

I Johan 3:8

Paep tanpui meitei diabol tuang nge; kalümthu diabol tei thaeoreih khou ruai paep tan guang nge. Mi lüm khüng ruai diabol tuang tanh guai tei su-aman khüng Ragwangh Nah Mpouh ta tei nadeuh lou khouanne.

NJIANMEI, LÜTDIU TÜTMEI NUN TUANG 37 CHADAMEI

I Korinth 13:1

Ai ruai mansei guai tuang khüt-ni kaeuh banchra guai tuang lüt guai sa sini, a khou njianmei maek githei, ai hei khuan kagaeng bümmei kaeng rümhmithei kakhing bümmei siamtuaih kummei di the.

Nüngniu khou khüt khütta njianmei nai yithei, mihei ruai mei kapumma ruai nüngniu ajiabbe tumei thai puni. —Johan 13:35

I Johan 4:20

Mei gan khüt ruai, Ai Ragwangh ta njianne, tuna salana ka chana puna ta karaeng ngithei, kamei tei sarampui mei ye: Kalümthu hουμεi ka chana puna

ta njian mükmei kamei tei ruai kamei ruai hουμεkmei Ragwangh ta njian ngüm mük ge.

I Johan 3:14

Aniu ruai theihmei khou ruai ringhmei khou kanpüt the tumei aniu thaiye, kalümthu aniu ruai chana puna guai ta njianne. Njian mükpui mei tei theihmei khou büm tünh tünne.

Galati 5:22, 23a

Kumme tiki Bumaeng tuang thaithu: Njianmei, neihla jaeng gaimmei, nchu-nzaengmei, akhaeng saengmei, lunggh njaengmei, gaimmei, lumlou nuhmei, lunggh niammei, karana kapumta sin-riapmei.

Tanruai 10:39-41

Johan 20:26-28

Kumma Kamei ruai Jihudi meinun tuang kandih khou, khütni Jirusalem khou tanlou künmei kapumma khou tei aniu sakhi the. Kaniu ruai Ka ta kros khou hian binna suluai kün the. Ragwangh ruai Ka ta neihthumpui nung tir-ing thaeulou the, kumma Ka ta tindaeuh the; mei kapumma khou rümh khuanne, tiki Ragwangh ruai kahunung ruai kapa pütlou khuanmei sakhinun aniuna ruai Ka ta hou khuanne. Kamei ruai theihmeinun püng khou ruai ringthaeu pui tung Kamei aniu le tuu-jüing nchüm khuanne.

Kumma jaeng tachüt tung Ka-jiabnun tei kainung khou büm düt khuan the, Thoma nih kaniu püng khou büm khuanne. Kaikhüm guaina mbüingh louna büm khou, Jisu ruai kaniu püng khou guang dinglana saye, Nüingniu khou nchu-nzaengmei sukündiu. Khou tie Kamei ruai Thoma khou saye, Hei thaeng hei nüingban haem guang ngo, kumma A ban kanei hei jaeo wo; kumma nüing ban haem guan-nga a kuai khou lou wo; kumma lum mük müknga, lummo. Thoma ruai Ka khou sadaeowe, A Poubaeumei, khütni a Ragwangh.

RINGTHAEU DÜTMEI, ANIU TUANG KAEUHLIANGMEI MACHUN

39

Johan 5:25 khütni 28, 29

Ai ruai nüngniu khou sadiang siaklou mei hei ye, kagün tei guang nge, ntaeu ni the theihmeinin ruai Ragwangh Nah Mpouh khuan chupun kumma chumeinin ruai ring puni. Mi khou hei hahlala büm riu, kalümthu kagün guang nge, mi gün khou tei tarou lung khou bümmei kapumma ruai Ka khuan chulana, mpaeng khou püt puni; gaimei tanhmei guai ruai ringh khüng ringthaeu puni; simei tanhmei guai ruai lütjün khüng ringthaeu puni.

Jisu Khrista khou duilupmei la tüngmei aniu kapumma ruai Ka tuang theihmei khou duilupmei la the tumei nüngniu thaimük ngacho? Kumpui jaeng khou ruai Pu tuang him ganhmei khou Khrista ta theihmei guai püng khou ruai ti-ring thaeuloumei kumma, aniuni ring thühmei khou ringh khüng, theihmei khou duilupmei aniu lamei khou tei aniuta Kamei le phup nchümlou the. Kalümthu aniu ruai Ka tuang kumhmei theihmei khou Kamei le kariu yithei, Ka tuang kumhmei ringthaeumei khou nih aniu kariu puni.

—Rom 6:3-5

Aniuta aniu tuang jaeujihmei guai ban khou ruai gulouna, pingmei maeknga, Ka siamruai su nuh khüŋ nge, Ka hu khou nthünmei khou le ntunmei khou aniu pünti ngünna. —Luk 1:74, 75

Kumpui jaeng khou ruai aniu khüŋ mi lütrian guai hei naipui jaeng ruai, kung-nga njianmeithiu, mei pum le bumaeng ta sumphuammei kapumma khou ruai aniu rana su-nthünna, Ragwangh ta ping nga aniu rüm nthünta nthuimei tisu kho.—II Korinth 7:1

Kumpui jaeng khou ruai mei gan khüt ruai karana ta mi guai khou ruai su-nthünnithe, kamei tei chümpouhloumei khou sinsu-

mei ngkuak, su-nthünloumei, kumma Kaipou tuang sinsumeikhou gaengmei, khütni gaipui tanh kathui khüŋ ndanloumei su puni. —II Timothi 2:21

I Pitor 1:2 khütni 15

Pu Ragwangh tuang thai kasuakmei thei laina, lütdün piu khüŋ, khütni Jisu Khrista tuang ze ruai kajinlou khüŋ, Bumaeng ruai su-nthünloupui pan khou ruai kadaloumei guai khou: Jaeojian khütni nchu-nzaengmei nüngniu khou geih thaeumei sudiü... Tiki nüngniu ta kaeoloumei Kamei tei nthünmei kumma, nüngniu tuang pünti kheiliak kapumma khou nthünmei su wo.

Isaiah 35:8

Mi khou tei kaeuhmei chaeng akhüt nai puni, khütñi chaeng akhüt, mi tei nthünmei chaeng tuna kaeo puni; mphuammei guai mi tei tüt kan ngüm mük ge, tiki mi tei chaeng tüt rianramei guai khüng nge, mpüngmei guai thu mi khou gut nitu rümhme.

Mathi 3:11

Nüngniu lung h lai the tumei nchin khüng ai ruai nüngniu ta dui khou duilup lou kخانه. Kumme tiki a theithaeng guang punipui mei tei a suang bantün naiye. Ka phaithaup phung khüng ai biuh mük ge. Kamei ruai

nüngniu ta Bumaeng Nthünmei khou khütñi mai khou diilup lou puni.

I Johan 1:9

Aniu ruai aniu tuang paep sa ndaeuh püttrithei, aniu tuang paep laduak lou khüng, khütñi ntun mükmei kapumma khou ruai sunthün lou khüng, Kamei thu lumlou nuhmei khütñi ntunmei ye.

Iphisi 1:4

Mi tei kumma aniu Ka hu khou njianmei khou nthünmei, khütñi khünbüm maekmei su khüng, mban dümhmei huthaeng ruai aniu ta Khrista khou Kamei ruai kapah pütluo kخانه the.

42 BUMAENG RUAI PADIKMEI MANSEIGUAI

Kumpui jaeng khou ruai nüngniu si khuan sini, nüngniu nahnun khou gaimei kaipüt tilou thaiyithe, tingkaeuh thaeng bümmei nüngniu Pu ruai Ka khou neimei guai khou ajuh küm geih mbuna Bumaeng Nthünmei tilou puni tha? —Luk 11:13

Tanruai 1:8a

Kumme tiki Bumaeng Nthünmei nüngniu ru khou keihlou pu khou, nüngniu ruai ngüm latou puni, khoukiu nüngniu ruai a sakhi su puni.

Kumme tiki Ragwangh tuang Bumaeng tei nüngniu lung khou lung büm chünghngithe, nüngniu mei pum thei laimeinun rümhme,

tiki Bumaeng thei laimeinun ne. Ntaeu thoukummei gan khüt khou Khrista tuang Bumaeng tei maek githei, kamei Ka tuang rümhme. —Rom 8:9

Khütni Ai ruai nüng khou a bumaeng lou puni, khütni nüng ta a lütün lung khou tütüu khüng tisulou puni, khütni nüng ruai a lütün guai hei lou puni khütni tan puni. —Ezekiel 36:27

Tanruai 4:31

Kumma kaniu ruai huaineih tikhou, kaniu ruai kariu bümmei büm tei liu liu the; kumma kaniu kapumma Bumaeng Nthünmei ruai padiknga Ragwangh lüt baeuna sa thaeu kuanne.

KHRISTIAN GUAI KHOU CHARINNA NRIANLOUMEI

43

Lu 34:18

Poubaeumei thu lungthu bükmei guai khüing ana na büm de khütni bumaeng bükmei guaita guloumei Pu de.

Isaiah 66:2

Nai bümmei kaguai tei A ban ruai kasiyam lou pui tuang nge, tuna Poubaeumei ruai sa ye: kumme tiki lungsimeinun khütni bumaeng bükmei guai khütni a lüt khou kadunmeinun khou Ai ruai jaeo lou puni.

I Pitor 4:12, 13

Kung-nga njianmeithiu, nüngniu ta nchün khüing nüngniu ru khou mai kumma nchünmei gu-

ang pu khou, rümh akhüt kadüt dütmei püt büm tukhuang the tuna hahlalana ning riu; kumme tiki Khrista tuang him ganhmei ndaeuhpui gün khou, nüngniu ruai taraina müknga neihla jaeng-gai khüing, Khrista tuang rianra akhaengpui düm la nchümmei khou nüngniu neihla wo.

Ndaeuhmei 21:4

Kumma Ragwangh ruai kaniu mik khou ruai mikdui kapumma roulou puni; khou tei theihmei naidüt nitu rümh the, rianramei, küpmei khütni suhmei naidüt nitu rümh the; kalümthu reihmei puat guai tei kanpüt kün the.

44 NTHIAMMEI KHOU PUNKEIH LOUMEI KHOU NRIANLOUMEI GUAI

Isaiah 43:2

Nüing ruai dui khou tüt büm khouni, Ai nüing le büm nchümme; khütni duibaek ruai ni nüing ta ngüm nitu rümhme: mai khou tüt büm sini, mai ruai nüing ta raeo nitu rümhme, khütni maibuang ruai nüing ru khou rümh khüt sini ngüm nitu rümhme.

I Korinth 10:13

Mansei ruai akhaeng ngümmei suang mbuna nthiammei ruai nüingniu ta nim kün mük ge: Ragwangh thu lumlou nuhmei ye, kumma nüingniu ruai akhaeng ngümmei suang mbuna nüingniu ta nthiam khüing Kamei ruai

nuhlou mük puni; tiki nüingniu ruai akhaeng ngüm khüing, nthiammei tei le duak pütptui chaeng nih Kamei ruai tinailou puni.

Ibri 2:18

Kalümthu Kamei Kahük nthiammei khou akhaeng künmei khou tei ruai nthiammei mphüingmei guaita ngkhalou khüing Kamei ngümme.

Rom 8:28

Kumma Ragwangh ta njianmei guai khou, Kamei ruai ningpui thei laina kaeuloumei guai khou gai khüing rümh kaguaina tanh su kariu we tumei aniu thai ye.

NGÜMMEI GUAI KHOU NRIANLOUMEI GUAI 45

Ndaeuhloumei 3:5

Ngümmei ka khou tei hei kumma pheiban mphuanmei piulou puni the; kumma ai ruai ka jün tei ringhmei tuang lütrik khou ruai thut aman mük puni, kumma ai ruai ka jün tei a Pu ma khou, khütni Ka banchra guai ma khou sa ndaeuh puni.

Ndaeuhloumei 3:12

Ngümmei ka ta tei ai ruai a Ragwangh tuang rakai khou kai-tiangh akhüt tisulou puni; kumma kamei mi büm khou tei ruai tütpüt düt mük puni the: Kumma a Ragwangh tuang jün, a Ragwangh tuang kaidai, mikiu, a Ragwangh khou ruai, tingkaeuh

thaeng ruai keihmei Jirusalem kathün tuang jün, khütni a jün thün ai ruai ka ru khou hihlou puni.

Ndaeuhloumei 21:7

Ngümmei kamei tei ruai mi guai hei ka tuang su puni; lumma ai ruai ka Ragwangh khütni kamei ruai a nah mpouh su puni.

Ndaeuhloumei 2:7

Bumaeng tei ruai phuamling guai khou samei tei nukuan naimei kamei tei ruai chu kündiu! Ngümmei ka khou tei Ragwangh tuang paradais khou nai bümmei ringhmei tuang thingbüng khou ruai tuu khüng ai ti puni.

NOU-PU LUNG-NTÜMMEI LÜM KHOU RAGWANGH RUAI ANIU KHOU SA YE

Luk 16:18

Thou punih, kanou ta mulana, baimei ntumei gankhüt ta kaeomei tei nousoumei ye: Khütni thou punih kagan ruai muloumei ntumei ta kaeomei tei nousoumei ye.

Rom 7:2, 3

Kälümthu mih künmei ntumei gankhüt ta tei kagan khou tei kamei ring büm san Lütjün Lütün ruai bünglou bümme, kumme tiki kagan tei theih ithei, ka ta kagan lümkhou Lütjün Lütün khou tei ruai mpüt lou the. Kumthina, kagan tei ring büm khou, kamei ruai ng-ganmei

baimei gankhüt khou mih lou yithei, ka ta tei gan sutmeipui tuna kaeu puni; kumme tiki kagan tei theih yithei, kamei Lütjün Lütün khou tei ruai ning su the, kumthina kamei ng-ganmei baimei gankhüt khou mih lou sini, kamei gan sutmei rümh me.

Mathi 5:32

Kumme tiki ai ruai nüngniu khou samei ye: Lungmanmei jaeng ruai rümhma, baimei jaeng ruai kanou ta mumei kathui ruai kanou ta gan sutmeipui tisulou the. Thou punih mulou bümmei puita tei kaeumei tei nousoumei su the.

Johan 14:3

Kumma ai ruai tütлана, nüngniu khüng büm chümdan louyithei, ai ruai quang dütlana, nüngniu ta a khou lalou puni; kummithei, ai bümpui büm khou tei nüngniu nih büm puni.

Jakob 5:8

Nüngniu nih akhaeng thai wo; nüngniu lungning ntipbo: Kalümthu Poubaeumei (Jisu) quang nimeis tei ana the.

Kalümthu lungmanmei khütnei paep geihmei kin khou hei thou punih a lüm khüng, khütnei a lüt guai lüm khüng jükpui mei khüng tei Mei Nah Mpouh tei ruai nih, Kamei ruai Ka Pu tuang him

ganhmei khou nthünmei kaeuh banchra guai le keih pui kan khou jük puni. —Mark 8:38

Mathi 24:30

Mi gүн khou kiu Mei Nah Mpouh tuang nchinpui tuang tingpuk khou hou puni; kumma mi gүн khou kiu kandih khou jat kapumma ruai küp puni; kumma kaniu ruai Mei Nah Mpouh tei tingkaeuh tuang muangh ru khou ngüm le him ganhmei daimeis le quangmei hou puni.

Tabuicho tiki Mei Nah Mpouh (Jisu) tei ruai neihpüt thaeng ruai neihkeih thaeng tingpuk kapumma kanna ting palikmeis tei kumma quang puni. —Mathi 24:27

Luk 12:40

Nüingniu nih chümdan büm ni-nare; kalümthu nüingniu ningmük pui khuang gün khou Mei Nah Mpouh tei guang puni.

Tanruai 1:11

Kumma kamei ruai sa ye. He Galili meithiu, tabui suna dingnga nüingniu tingpuk thaeng jaeo büm tucho? Nüingniu khou ruai tingkaeuh thaeng lathaeu künmei Jisu Kahük hei, tingkaeuh thaeng kumei Ka ta nüingniu houmei kumma Kamei keih düt puni.

I Johan 3:2

Kung-nga njianmeithiu, ntaeo aniu Ragwangh tuang nahnun su the, tiki aniu tabui su puni cho

ntaeu nthünna ndaeuh mük he. Ka ta ndaeuh loupu khou aniu Ka kum puni tumei aniu thai ye, tabuicho tiki aniu ruai Ka lunlungh Kahük ta hou puni.

Luk 21:27

Hei tüng tei Mei Nah Mpouh tei ruai ngüm le him ganhmei le muangh khou guangmei kaniu ruai hou puni.

Mathi 16:27

Tabuicho tiki Mei Nah Mpouh tei ruai Ka pu him ganhmei khou Ka tuang tingkaeuh banchra guaita nduang-nga guang jai puni the. Mi gün khou kiu Kamei ruai mei kathui khou ka tanh ka tanh thei laina suan tipuni.

RAGWANGH LÜTKAENG

Luk 21:33

Tingpuk le kandih hei aman puni, tiki a lüt guai heithu aman nitu rümhme.

Mathi 22:29

Jisu ruai kaniu khou sa daeo khouanne: Nüngniu adiküm ngkhuai Küntha! Mi heithu nüngniu ruai Nthünmei Lütrik ta rümhmithei, Ragwangh ngüm ta thaimük khou ruai the.

II Pitor 1:21

Kalümthu mujung lüt din kasuakmei akhütna sini mansei tuang ningmei khou ruai sa mük khouanne, tiki Bumaeng Nthünmei ruai mansei khou gutlouna,

kaniu ruai Ragwangh khou ruai sa khouanne.

II Timothi 3:16

Nthünmei Lütrik kapum Ragwangh tuang thiu khou ruai ye, kumma riakdin khüng, riaplou khüng, su-nchümlou khüng, ntunmei lüm khou dinlou khüng gaeng nge.

Lu 119:11

Ai ruai nüng ma khou paep tandüt mük khüng, nüng lüt kaeng tei a lungthu khou rihlou the.

Lu 119:105

Nüng lüt kaeng hei a phai khüng maibung di the, khütni a chaeng khou kariu di the.

This booklet is published in the languages given below for free distribution to people EAGER to read them:

Assamese	Kharia	Marwari	Santali
Bengali	Khasi	Mawchi	Sindhi
Bhojpuri	Konkani	Mundari	Tamil
English	Kuki	Nepali	Tangkhul Naga
Gujarati	Maithily	Oraon	Telugu
Hindi	Malayalam	Oriya	Urdu
Hmar	Manipuri	Punjabi	Vaiphei
Kanarese	Marathi	Rongmei Naga	Zomi

**For a free Bible Correspondence course,
please send your name and address to:**

S.T.L.

P.O. Box 656

Bombay 400 001

India

NW Manipur, Cachar, Nagaland

NBU

182 Rongmei Naga

20K

✓

5